



BOSNIA AND HERZEGOVINA
MINISTRY OF FINANCE
AND TREASURY

Na osnovu člana 61. Zakona o upravi ("Službeni glasnik BiH", broj 32/02 i 102/09), a u vezi člana 17. Zakona o finansiranju institucija Bosne i Hercegovine ("Službeni glasnik BiH", broj 61/04, 49/09, 42/12, 87/12 i 32/13) i člana 13. Zakona o budžetu institucija Bosne i Hercegovine i međunarodnih obaveza Bosne i Hercegovine za 2015. godinu ("Službeni glasnik BiH", broj 40/15), Ministar finansija i trezora Bosne i Hercegovine donosi

INSTRUKCIJE
o ostvarivanju prava korisnika iz tekuće rezerve za 2015. godinu

I

(Predmet Instrukcije)

(1) Ovim instrukcijama utvrđuje se postupak i način ostvarivanja prava budžetskih korisnika na sredstva iz tekuće rezerve, kao i drugim transferima iz sredstava tekuće rezerve u okviru ukupnog iznosa odobrenog Zakonom o budžetu institucija Bosne i Hercegovine i međunarodnih obaveza Bosne i Hercegovine za 2015. godinu za ovu namjenu.

II

(Postupak i način ostvarivanja prava)

(2) Budžetski korisnik, koji iskazuje potrebu za budžetskim sredstvima iz tekuće rezerve obraća se Vijeću ministara Bosne i Hercegovine (u daljem tekstu: Vijeće ministara) zahtjevom i prijedlogom odluke za dodjelu sredstava iz tekuće rezerve, uz koji obavezno prilaže mišljenje Ministarstva finansija i trezora Bosne i Hercegovine (u daljem tekstu: Ministarstvo finansija i trezora).

III

(Upotreba tekuće rezerve)

(1) Vijeće ministara odlučuje o upotrebi tekuće rezerve po svim osnovama i o tome donosi odluku, koju dostavlja na izvršenje Ministarstvu finansija i trezora i budžetskom korisniku-predlažu, kome su sredstva tekuće rezerve odobrena.

(2) Sredstva tekuće rezerve mogu se koristiti u skladu sa članom 17. Zakona o finansiranju institucija Bosne i Hercegovine.

(3) Odluke koje se dostavljaju na izvršenje moraju biti potpisane i ovjerene od strane predsjedavajućeg Vijeća ministara.

IV (Pravila realizovanja)

(1) Po prijemu odluke o odobrenoj tekućoj rezervi budžetski korisnik je dužan izvršiti raspored odobrenih sredstava tekuće rezerve po namjeni trošenja i ekonomskim kodovima i iskazati ih kao program posebne namjene u Tabeli 5. (propisana Instrukcijom o načinu sačinjavanja operativnih planova za izvršavanje Budžeta institucija BiH za 2015. godinu i o načinu praćenja programa posebne namjene broj 05-02-1-4288-2/15) i tražiti otvaranje projektnog koda u Informativnom sistemu finansijskog upravljanja (ISFU), te Tabelu 5. uz kopije Odluke o odobrenim sredstvima tekuće rezerve dostaviti Ministarstvu finansija i trezora, Sektoru za budžet.

(2) Na osnovu odluke Vijeća ministara o odobrenoj tekućoj rezervi i usaglašenog rasporeda troškova, dostavljenog od strane korisnika tekuće rezerve, Ministarstvu finansija i trezora, Sektor za budžet vrši odobravanje sredstava tekuće rezerve u Informativni sistem finansijskog upravljanja (ISFU) na projektni kod i fond 10 i o tome, uz kopiju odluke Vijeća ministara o dodjeli sredstava iz tekuće rezerve, obavještava Sektor za trezorsko poslovanje.

V (Realizovanje i evidentiranje odluka za interventno korištenje tekuće rezerve članova Predsjedništva Bosne i Hercegovine)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 6 % od ukupne budžetske rezerve utvrđene Zakonom dodjeljuje se na raspolaganje članovima Predsjedništva Bosne i Hercegovine u jednakim omjerima u svrhu interventnog korištenja sredstava.

(2) Sredstva iz stavka (1) realizuju se na osnovu pojedinačnih odluka članova Predsjedništva Bosne i Hercegovine o interventnom korištenju tekuće rezerve. Dodjelu sredstava vršit će se u skladu sa članom 13. stav (3) Zakona o budžetu institucija Bosne i Hercegovine i međunarodnih obaveza Bosne i Hercegovine za 2015. godinu i kriterijima, koje ponaosob utvrde članovi Predsjedništva Bosne i Hercegovine.

(3) Odobrena sredstva za interventno korištenje tekuće rezervne, evidentiraju se u Informativni sistem finansijskog upravljanja (ISFU) kao program posebne namjene na fondu 10 u Ministarstvu finansija i trezora, Sektoru za budžet na osnovu pojedinačnih odluka članova Predsjedništva Bosne i Hercegovine, koje Uredi članova Predsjedništva Bosne i Hercegovine, nakon donošenja istih, dostavljaju Sektoru za budžet. Uz kopiju pojedinačne odluke članova Predsjedništva Bosne i Hercegovine, Sektor za budžet o izvršenom unosu u ISFU obavještava Sektor za trezorsko poslovanje radi realizacije istih.

(4) Uredi članova Predsjedništva Bosne i Hercegovine, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

VI

(Realizovanje i evidentiranje odluka za interventno korištenje tekuće rezerve predsjedavajućeg i zamjenika predsjedavajućeg Vijeća ministara BiH)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 4 % od ukupne budžetske rezerve utvrđene Zakonom dodjeljuje se na raspolaganje predsjedavajućem i zamjenicima predsjedavajućeg Vijeća ministara BiH u jednakim omjerima u svrhu interventnog korištenja sredstava.

(2) Sredstva iz stava (1) realizuju se na osnovu pojedinačnih odluka predsjedavajućeg i zamjenika predsjedavajućeg Vijeća ministara o interventnom korištenju tekuće rezerve. Dodjelu sredstava vršit će se u skladu sa članom 13. stav (4) Zakona o budžetu institucija Bosne i Hercegovine i međunarodnih obaveza Bosne i Hercegovine za 2015. godinu i kriterijima, koje ponaosob utvrde predsjedavajući i zamjenici predsjedavajućeg Vijeća ministara.

(3) Odobrena sredstva za interventno korištenje tekuće rezerve, evidentiraju se u Informacioni sistem finansijskog upravljanja (ISFU) kao program posebne namjene na fondu 10 u Ministarstvu finansija i trezora, Sektoru za budžet na osnovu pojedinačnih odluka predsjedavajućeg i zamjenika predsjedavajućeg Vijeća ministara, koje Uredi predsjedavajućeg i zamjenika predsjedavajućeg Vijeća ministara, nakon donošenja istih, dostavljaju Sektoru za budžet. Uz kopiju pojedinačne odluke predsjedavajućeg, odnosno zamjenika predsjedavajućeg Vijeća ministara, Sektor za budžet o izvršenom unosu u ISFU obavještava Sektor za trezorsko poslovanje radi realizacije istih.

(4) Uredi predsjedavajućeg i zamjenika predsjedavajućeg Vijeća ministara, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

VII

(Dostavljanje)

(1) Ove Instrukcije dostavit će se svim budžetskim korisnicima i objaviti na web - stranici Ministarstva finansija i trezora i iste će se primjenjivati na sve dodjele sredstava tekuće rezerve u budžetskoj 2015. godini.

VIII

(Završne odredbe)

Instrukcije stupaju na snagu danom potpisa od strane Ministra finansija i trezora.

Broj: 05-02-2-4679-2/15
Sarajevo, 04.06.2015. godine

MINISTAR

Vjekoslav Bevanda, s.r.